



592974

Mag. St. Dr.

I

Biblioteka Jagiellońska



stdr0002272

1738
TILICIOMNEMA

PIIS MANIBVS

ILL^{MI} AC REV^{MI}

PETRI TILICI

EPISCOPI

CRACOVIAN.

DVCIS

SEVERIEN.

A

SEBASTIANO MICZYNSKI

Art. Lib. Magistro, & Philosophiæ Doctore.

factum, ac consecratum

IV. Id. Sextil. cio. m. XVI.

CRACOVIAE,

In Officina LAZARI, Matthias Andreouien.

excussit A. D. 1616.

Sic statuta Fatorum series sanxit.



3796
DUBLET

Bib. Jag.

Astra Polo lucent humanis v'sibus: alma
Terra Polona tibi LIPSCIA RASTRA Solo.
Quid dubitas? instar Solis Virtute coruscas
LIPSCI; hic te RASTRIS alta sub astra vehit.
Quod discrimen erit, RASTRIS Astrisq;? Reuella
Nempe pedē RASTRIS ASTRA lerena vides.

BIBLIOTHECA
UNIV. CRACOV. CELL.
CRACOVENSIS

592.974
I

NOBILISSIMO
AC REV^{DO} DOMINO
D. ANDREAE LIPSKI
CVSTODI
GNESNEN.

SCHOLASTICO
CRACOVLEN. PLOCEN. &c.
ADMINISTRATORI
EPISCOPATVS
CRACOVLEN.

Domino meo benignissimo,

SEBASTIANVS MICZYNSKI
inscribo, & dico.



*Vm Ill^{mo} ac Rev^{mo} PETRO TILICIO
Episcopo Cracouien. Duci Seuerien.
NOBILISSIME DOMINE Iusta fa-
cio, veroq; Parenti nostro parento, memo-
riam PIIS MANIBVS eius, monumen-
tis ingenij mei factam in lucem emitto. Reuera enim
virtutes eius diuinas, nō est æquū pati (dicam hoc cum
Horatio) impune carpere. liuidas obliuiones, ne sit
Æquali in famā virtutis amator, & hostis.
Præterea hoc ipsum facio in vsum BONI PUBLICI:*

quia multorum animos succendo, ad virtutem eruditionem, praeclara facta, amorem Patriae, dum eis talium vinum exemplar praecino. Scilicet R O A

quemq; trahit fax mentis honestae, ad nomen immortalitatis. Ceterum dum id facio, laudes an lacrymae sint nescio; sed TILICIO fuisse, & intuitum amantis, ac lugentis sinum, ab hac prima causa: quia TILICIUS tuus fuit, & TV TILICII. Cur ille tuus? Heroem illum, quidem quam florentissimum semper esse voluit ob diuinas virtutes, & amorem in Rempub. amasti, aestimasti, suspexisti. Cur tu illius? vicissim ille Tuam STIRPEM, ERVDITIONEM, VIRTUTEM, DIGNITATEM

adeo amauit, & coluit, vt te vnū inter Executores Testamenti sui fecerit. Sed addo. Et aliam GRATIAS à praeclaris sapientibus iuuenes meministi fingi; & memoriam facio benignitatis, quam mihi vltro exhibuisti. Neque enim beneuolentiae tuae vestigia, in me leuiter ad exigui temporis laudem impressa; sed immortaliter ad tui nominis aeternam praedicationem, & gloriam. Quare Nobilissime Domine accipe hoc TILICIOMNEMA velut animi cultus j. mei in te pignus; accipe etiam me in tutelam, & ad maiora promoue, attolle, dirige auribus beneficentiae tuae. Ego quicquid est in me ingenij, quicquid virium, in vsum, in cultum, laudem j. Tuam, & Tuorum consecro. Deus Homines j. testes sunt; & ille Tutorem se porro tuū: isti fautores in aeuum praesent. Crac. è Museo meo IV. Non. Sextil. C. D. C. C. XVI.

Petere hoc ipsum facio in pignum BONIFACII

Gratissimus in eius morte de- Cic. Phil.
ix.
coranda, cui nullam iam aliam
gratiam referre possumus.



Utum publicum ferali Pompâ V-
RI NOBILISSIMI, non more, sed
mœrore, & affectu pio in morte Ill^{mi}
& Reu^{mi} PETRI TILICII Episcopi
Cracouien. instauramus, dum iusta
soluimus; & verè

Divini ossa Parentis.
Condimus

terrâ; simulq; quicquid nobis lætum, aut volupe
fuit. Reuera enim, à leto huius Magni Herois o-
mnia læta videntur nobis adempta. Bruti primi
Consulis Romæ: & Boleslai primi Regis Regni no-
stri olim in Poloniâ obitus quasi vnius anni funus,
& lucus fuit: nobis hæc iusta magnis heu TILICI
vnius MANIBVS debita erunt non *Sollemnia*, sed
Perennia. Scilicet, & abitus ipsius à nobis æternum
est ô Sarmatia tibi, æternum nobis funus. Hoc Di-
uina eius virtus: hoc animi rectitudo: hoc pietas
in Patriam: hoc

Poscit. SANTIQUIS MORIBVS apta fides:
hoc deniq; merita in Bonum Publicum. Vixit ille;

& utinam diutius vixisset? Vir enim fuit: immò
Heros fuit, quem aut omnibus seculis nasci oportuit,
aut nunquam denasci. Sanè ô Patria meâ in tuo discrimine suum discrimen censuit; suam salutem in tuâ salute: propter te non excubias modò egit, sed etiam toties laterum oppositus: Academiam nostram contra omnes assurgentes insultus propugnauit: nos alios amauit, aliis benè fecit, benè voluit. O desiderium extincti! virum certè, virum ab aureo æuo, in quo cum priscâ doctrinâ, priscâ religio, prisci, & aurei mores, amissimus. Religio quidem illa ex sensu, & ritu veteri, assertorem, & defensorem: Sarmatia in rebus afflictis ac penè prostratis fulcrum, & ornamentum: Clerus Episcopum: Senatus propugnatorem: Equestris ordo patronum: Academia Cancellariû, & tutelare quoddam Numen: TILICII nobilissimæ suæ gentis Columnen, & Lumen: nos alii tutorem: alii insignem virtutis, & Prudentiæ exemplar. O fallaces spes nostras, & incerta vota! Siccine optimos

— *quosq. rapit dura inclementia fati?*

Scilicet hoc vnum restabat attritis infelicis Sarmatiæ rebus, vt PETRVS TILICIVS, in quem intuens omnium quas excepit acerbitatum deponebat memoriam, acerbâ atq; inopinâ morte caderet. Et ecce cecidit, Gente nobilissimus, famâ optimus, animo præ-

mo præstantissimûs; sed etiam virtute, eruditione,
dignitate maximus, & clarissimus: talis & tantus
heu cecidit! libertatis amator & *Boni Publici*, à
primâ iuventâ magnus in omni re, consilio, virtu-
te, cecidit.

Luctus iungite luctibus:

Fletus addite fletibus:

Planctus necite planctibus;

& reddite ei piâ memoriâ vitam, qui pro nobis at-
tritus laboribus vitâ orbus iacet. Pietas fidesque
exposcit.

Flebile Supremi funeris officium

mæsta voce, stiloq; Ego facio re, ac verbis; & quem
vixus suspexi, è viuis expuncti MANES piâ memo-
riâ prosequor. Haud fas quidem lugere, & dolere
in morte talis, & tanti viri, quem

———— *ardens euexit ad æthera virtus;*

præsertim cùm hoc ipsum sic à PROVIDENTIA, &
Fato, cuius prima lex est: *Stare decreto*: sed tamen
vulnere tam graui accepto in tam dubiis, & formi-
dolosis nostræ Sarmatiæ rebus, immanem quan-
dam duritiam esse reor, non flere, aut moueri. Vi-
rorum enim Illustrium, & Magnorum, quorum vita
utilior visa, mors nunquam non acerba videri po-
test: vt potè in quorum salute & vitâ, salus vitâq;
Boni & Publici & Priuati sita. Et hinc ego do la-
crymas,

erymas, ab animo veluti fonte, do laudes magni doloris indices; sed ita do, vt hunc ipsum luctum, atq; dolorem, gratâ breuiq; commemoratione virtutum, ac laudum nostri ANTISTITIS TILICII in vobis leuem. Profectò enim, non tam à nobis ablatuſ, quàm ab Æterna & Supremâ illâ VITA euocatus videbitur, ad meliorem vitam. Namq;

Virtus recludit immeritis mori

Cælum.

Ergo iam VIRI NOBILISSIMI adeste; mentem afferte & fidem: illam pronam; & istam promptam: adeste vos quoq; MANES gloriosi, & vocis meæ pietatem, quâ facio funebrem repentinæ laudationis honorem excipite.

A lacrymis ordior, & præficam lugubri carmine Musam ipsam facio querulâ voce, immò hornâ voce *Nenian* facio:

Musa sume lynam doloris vdo

Plenam murmure: tibiam q; prome

Aptam lugubribus Sacris, modis q;

Quippe delicias Loquella suetas

Odit; & Pietas obire gratæ

Mentis officium iubet. Dies hic

Haude est letitiæ: est feruliorum

Atrâ imagine vulnus, atq; funus.

Heu! magnum, miserum, atq; luctuosum

Funus.

Funus. TILICIVS PETRVS virorum
 Ille Maximus, Optimusq; Mystes,
 Antistes tuus, Urbs Beata Cruci,
 Et Custos Patriæ, Paterq; verus,
 Publici q; Boni vigil Senator
 Occidit. Sophiæ decus vetustæ
 Et Suadæ cecidit. Parens ab ævo
 Prognatus veteri, ipse moris, atq;
 Virtutis veteris: vetustiorum
 Gnarus artium, amansq; ritè veri,
 Et sensus Fidei vetustioris.
 Dum ò præcipitis necessitatem
 Fati! quæ violenter æuitermi
 Carpit exuvias viri. fuisset
 Cuius hic honor, & beata cura
 Privatis simul esse Publicisq;
 Rebus præsidium: bonos tueri:
 Malos opprimere: ac fouere Divas
 Fontis Castalij, Diamq; Themini.
 Occidit columen decusq; Regni,
 PETRVS TILICIVS: dolete Ciues
 Ciuem perdidimus, Rei q; fulcrum
 Publicæ. Fuit ille dignus annis,
 Quos fertur placidos obisse Nestor:
 Quos Titonia computat Senectus.
 Quis desiderio pudor modusuc

*Sit cari Capitis, viriꝑ; magni?
 Largo proluitur dolore pectus,
 Et sulcos lacrymæ replent, piumꝑ;
 Laborem violant. Quid ergo? Cesso:
 Non totum lacryma bauriet dolorem.
 Vos mecum querulam mei Poloni
 Vocem fundite. Triste nempe nobis
 Funus TILICIVS PETRVS virorum
 Ille Maximus, Optimusꝑ; Mystes,
 Antistes tuus Vrbs beata Craci,
 Et Custos Patriæ, Paterꝑ; verus.
 Publiciꝑ; Boni vigil Senator.*

Sed induciæ paulisper doloris sint, dum infelict e-
 loquio, quale oblitum singultibus pectus solet eli-
 quare laudes pango, veluti ex vberi messe pauculas
 spicas in solatium. PETRVM TILICIVM dum no-
 mino, totum nescit, quisquis audit: quia sine titu-
 lo magnus fuit, & talis tantusꝑ; vt esse apud omnē
 posteritatem pergat

STIRPE,
 imprimis; sed magis ERVDITIONE,
 VIRTUTE,
 DIGNITATE.

Stirpe dico: quippe interest, & de iis talibus spes
 omnino maior meliorꝑ;, qui ab hac meliori & præ-
 stantiori, dum origo nescit deficere quæ consuevit
 radicibus pullulare. Non defecit in nostro TILICIO.

Etenim

Etenim nobilissima Gens Wieliciorum ortus, & nobilissimis atque optimis parentibus ANDREA WIELICKI, & HEDVIGI BIELSKA natus, sub tempore exoriētis Solis instar Solis in Polonia luxit, & accepta à maioribus luci, tantā lucem, suā addidit luce, ut nihil ab ipsis accepisse omnia attulisse videatur. Remotā inuidiā, Posterī magis hoc dicent, vix credituri canescentibus demum *Naturæ* annis tantum virtutis decus affulxisse; sed enim affulsit, & exemplo ostendit omni ævo nasci viros bonos, & vivere. Neq; id difficile fuit. Videlicet ab ipso ineuntis æui flore, accessit illi diligens & recta institutio, radix atq; crepido cui firmiter, id quicquid est reliquum vitæ, insistat. Alta indoles eius iam tum alta spectauit & honesta. Namq; aptus per ætatem, honestis disciplinis operā dedit, quibus vnaq; pulchris moribus diligenter domi excultus, Cracouiam missus in Academiam matrem virtutum scientiarum & elegantiarum, aut sedem, non in lusi- bus, iocis, ocio, (ut modernum solet vulgus) sed rebus in seriis, animi contentione, labore florem æui transegit. Tradiderat hinc suam illam ætatem rudis adolescentiæ formatoribus doctis, ut fingentium quodam modo sequeretur manum, in varias virtutum ducentem formas. Non puduit ipsum paulisper se demittere, ut semper excelsa teneret:

non parere, vt semper imperaret. Indignus alto qui
nunquam se demisit : qui nunquam paruit, imperio
indignus. Non puduit inquam ipsum parere viris
optimis, ac doctissimis ; & non seruilis aliqua for-
mido : sed cultus honesti filiale iuuenis exprimebat
obsequium. Hinc illa in virtute , & literis assidui-
tas, vt cui non dies solum, sed horæ, sed puncta ap-
penfa semper, & numerata fuere. Non ardorem si-
bi, non industriam alter præripuit. nititur cōnititur
eiusq; æmulus, donec & ipse æmulandus extiterit.
Inter sui similes, semper dissimilis, vt laboris susce-
pti alacritate : ita honore virtutis perceptæ. Creuit
in eo cum ætate doctrina, & virtus, quò senior eò
perfectior. Etenim hîc in hoc publico doctrina-
rum epulo

————— *quæ natura negauit*
Visibus humanis, oculis ea pectoris hausit

id est scientiam de natura, temporum ratione, situ
terrarum, populorum institutis, ingeniis, moribus :
ius vtrumq; , historiam sacram, & profanam, nouam,
& veterem, domesticam, & externam : hausit, ratio-
nem vitæ formandæ, gubernandæ Reipublicæ, dan-
dorum, & capiendorum magnis de rebus consilio-
rum. Deniq; illam cui hæc omnia alliges Diuinam
Theologiam ; & ex his omnibus, experientiam pe-
nu virtutis, & prouidentia, quam alijs

seris

Et quis in eo hæc quæ dico, dum viueret, non vidit, nisi cui in claro & illustri Sole meridies est notis? Fuit in eo iuvene, sed iuvene viro varia doctrina: fuit virtus matura semper, & planè virilis: vt ætatem quodam modo in sua desideres atate, floremq; vltra floridū stupeas seculum, ob Pietatem, & Probitatem vtrasq; singulares, vtrasq; eximias. Prior mehercle in corde magis ipsi fuit quàm ore; nec enim purum & mysticū Religionis nostræ Catholicæ liquorem corrumpit veteri aliquâ, aut nouâ olenti fece; sed à maioribus hominibus religiosissimis ante doctrinam hanc spernentem diuos, natis acceptum puro, pioq; sensu, ac ritu coluit, & Numen Diuinum non solùm adorauit; verùm & adornauit laude, prece, cultu: idq; prisco more. Posteriorem verò factis magis quàm specie exercuit: nihil opinionis causâ, omnia conscientiæ fecit:

Turpi secreuit honestum,

Non verbis, sed re, sed vitâ & pectore puro.

Rectus ille semper, & indies sui similior: nihil nisi arduum, nisi excelium, speiq; plenum cogitauit. Talem reuera esse oportuit, quem non fortunæ cæca varietas, non iudicium vulgi mobilis, non erronea alicuius autoritas, sed Coelum ipsum, ipsa Natura virum Reipublicæ procreasset. Et iam tum in ipsâ iuuentâ Magni Senatoris elementa exhibuit:

dum sibi virtutis assignaret cùrricula : dum Reipub-
 licæ cogitaret præsidia : dum ætatem ætatilq; exu-
 eret studia, se Ciuem Patriæ optimum paraturus.
 Magnum certè florenti dedecus ætati præclaro hoc
 exemplo impressum est, cum iuuenis ingenitos im-
 petus, frenauit iudicio : temeritatis aculeos, consi-
 lio repressit : feruorem iuuentæ, maturitate restin-
 xit : virilibus artibus, ignes iuueniles sopiuit : in ijs
 deniq; quæ id æuum abripere vulgò assolent, ani-
 mum prætulit senilem. Deum immortalem quan-
 ta in hac ætatis intemperie temperantia ! Non vis
 cum aliqua, non supplicij rexit formido, non disci-
 plinæ iugum impositum : animus generosus cum
 duci se patitur, trahi non patitur. quid ergo ? bona
 mens, ratio recta, & à Deo directa, à Fide illustrata,
 quam ille vt Theseium secutus filum domuit cupi-
 dines, & exultantes animi motus : illecebras libi-
 dinumq; fomites resecuit : insidias illius blandæ
 Dominæ *Voluptatis* dico, cauit ac fugit, vnaq; Ache-
 loidum cantus, verissimum illud ratus : *Animo per*
libinem corrupto nihil honestum inesse. Atq; ita per
Ann. inculta vepribusq; horrida loca, contendit ad arcē
Continentiæ, seq; purum in iuuentâ seruauit, purum
 in omni ætate. Pondus mihi & autoritas ab ipsius-
 met verbis ad suos frequentibus esto : *Olim & nunc*
continentia rara & à quâ non affectu duntaxat aut
affectu

Tacit. xi.
 Ann.

affectu plerique abeunt, sed specie etiam virtutis; præsertim in his regionibus nostris ubi immanis ingluviens dominatur; rara inquam sed cara & insignis virtus. Expertus cum iam id ætatis sim dico: quisquis

*Integer vitæ scelerisque purus,
præcipue incôtentis fœminarum gregis annum ætatis vigesimum attigerit, hunc reliquo totius vitæ suæ curriculo securiorem futurum ab hoc Cinea poculo, & alta atque Diuina semper cogitaturum, quæ mortalis attingere non potest, nisi emissis corporis gaudijs, quæ propria libidini, in sordidis cogitationibus, & in cæno suo hærenti. Ab hac scaturigine magnus illi animus, & facere, & pati fortia paratissimus: quem nulla vnquam fortuna aut extulerit, aut depresserit; quem etiam Reipublicæ ut illius limen attigit largiendum censuit. Nec frustra ab eo expectes messem qui in vere iuuenili fecit sementem. Sementem dico *Virtutis & Doctrinæ*: quod hæc sine illa damnosa; illa sine hac parum decora, aut ornata; Iam enim in ætate maturiori contulit se in eum locum ubi veluti in amplissimo theatro sua virtus excurrere probarique posset industria. Serenissimi Sigismundi Augusti Regis *Aulam* intelligo, quæ fuit optimorum ingeniorum campus, palestra eruditionis, studium gloriæ, Lydius lapis virtutis, ac constantiæ; & hic reddituum publicorum rationibus incubuit gnauiter,
& dili-*

& diligenter cum amore ac veneratione omnium ,
& commodo *Ærarij Publici*. Vixit enim, & munus
suum obiit absq; suspicione auaritiæ, aut querela.
iuxta illud ad immortalitatem gloriosum: *Omnibus
prodesse: nemini nocere*: Rem breuiter noto. Cu-
iusdam vitâ functi, bona fortunâq; florentes à Re-
ge sibi Caduco iure (vti vocant) meritò data, que-
relas, & notam auaritiæ fugiens, iam accepta resti-
tuit ijs, ad quos minùs pertinere videbantur: ratus
non esse pulchrum, aut commodum alienis ditescere
incommodis. Ita me Deus amet, hæc virum o-
lent, immò Heroëm. Vno verbo, vix alium tantâ in-
dole, aut virtute Polonia nostra habuit. Altè hoc
imprimite, quoscunq; talium assidua excoquit cu-
ra; & hominem supra homines positum ne detre-
ctate imitari. Non iurè sic loquar? Altus ille in hac,
altus in omni virtute. Pompa, & ambitio plerosq;
sæpe abducunt; præsertim in secundo rerum hu-
manarum cursu, ætate, ingenio, nobilitate, gratiâ
Principum; & quod Poëta ait.

*Nos vilis turba caducis
Deseruere bonis, semperq; optare parati
Spargimur in casus.*

Ille in virili iam flore diuina quadam celsitate præ-
ditus, isthæc puncto temporis vniuersa despexit, re-
pudiavit, abiecit; & vt nihil, nisi summum eligeret

Sacra

Sacra placuere, sanctisq; Altaribus purum admouit
Sacerdotem adscriptus in amplissimum Collegi-
um Canonorum Ecclesie Cathedralis Cracouien.
quod est Seminarium Episcoporum. Quo porro
consilio id fecit? eo sane ut per eam vitam, quæ à
mundo, & mūdānis abstrahit, ad cœlum & cœlestia
aditum haberet, & Patriæ commodius prodesse su-
am operam deposcenti. In hoc munere atq; digni-
tate pie, continenter, iustè, atq; adeò ad normam in-
tegrè perfectiq; Sacerdotis vixit, ut nomen prius,
quàm quæsiuit, inuenerit. Profectò hîc iam in cla-
ra luce occœpit

————— *Virtutem extendere factis;*
& per templum *Virtutis* ad templum *Honoris*

Quò se Cœlestis Sapientia duxerit, ire.

Namq; ad virtutem natus, virtutem coluit, vitæ fi-
nem huc direxit, & viuendo peruenit, vnaq; per
eam gradatim ad varios in Republica dignitatis ho-
nores. Vidit Diuus Stephanus Bathoreus bona
ipsum cum eum coram vidit: vidit dignitatem cor-
poris, eloquium oris, animi prudentiam: statimq;
Aulæ suæ in numerum *Secretariorum* adlegit; & pau-
lò post *Maiorem Regni Secretarium* fecit: vbi &
huic, & Sigismundo Tertio post hominum memo-
riam optimo, maximo, cæterisq; Principibus viris,
ob diligens in expediendis Regni, Regisq; nego-

tiis, & legationibus officium, ita fuit carus, vix ut
quisquam vnus vni carior foret, quàm ille vnus vni-
uerfis. Vfus enim acri circumspeditione, & non suâ
se, sed Principis fortunâ dimensus, omnia egit sine
iaſtantiâ, & retulit ad vsum Regni, ad vsum & fa-
mam Principis. O boni lubrica vestra vita, & via est,
nisi sic agitis, qui in *Aulâ* versamini. nihil rerum
mortalium tam instabile, & fluxum est, quàm poten-
tia non suâ vi nixa. Firma & stabilis fuit in nostro
PETRO TILICIO, quia ipsum ad maiorem dignita-
tem euexit, & *Referendarium* Regni creauit. Vbiq;
ille vigil, & diligens in suo officio; sed hîc etiam
æquitatis iustus arbiter, & pauperum egregius tu-
tor; siquidem in causa, aut oppressione eorum cum
Præfectis, & plerisq; Magnatibus inimicitias susce-
pit; & suâ fidē Regi, atq; omnibus Ordinibus, cum
maximâ gratiæ, & beneuolentiæ significatione tan-
to perè probauit, ut summis quibusq; honoribus di-
gnus iudicaretur. Et obtinuit. Creatus enim *Pro-*
cancellarius Regni, & in *Episcopam Culmen*. euectus,
simulq; in *Sanctius consilium* ac *Senatoriam dignita-*
tem, consilium, & leuamen fuit, Regi, loui illi, ut sic
dicam Pallas, atq; *Bono publico* Custos. Graues hîc
vtriusq; feriæq; ipsius curæ: quibus tamen cum suâ
in rebus agendis dexteritate, tum consilij pruden-
tiâ respondit. Munus enim Procancellariatus la-
boriosum,

horiosum, addam & inuidiosum; & in quo non dicam gratiam mereri; sed odium vitare, difficile est, multos annos ita sustinuit, vt industriam fidemq; Regi suam probauerit; & communiter omnibus integritatem, animumq; ab omni labe, aut corruptellâ immunem. Nimirum

*Iustitiæ cultor, rigidi Seruator honesti,
honestum ————— prætulit utili,
& Reiecit alto dona nocentium
vultu,*

Mirum & breue, sed verum est: nulla re (ad vsum prouoco) quæcunq; Respublica magis floruit, floret, florebit, quàm immotâ iustitiâ: nulla re magis flaccescit, & deficit, quàm illâ tali. Hanc noster TULLIUS diligenter seruabat, & iudicia, iusq; sui officij tam exquisitè, sedulò, & pertinaciter exercebat, vt cum inter iudicandum cibi potusq; caperet obliuio; Collegasq; suos (Assessores appellant) aut totum diem detineret, aut fame victos, ipse inuictus compelleret abire. Quid multis? Publica famæ voce, res Sarmatiæ administrabat, tam abstinenter, quàm alienas, tam diligenter quàm suas, tam religiosè, quàm publicas, & quæ *Sacrum* illud *Nomen Patriæ* tangunt. Neque verò in tantis Regni negotijs officium boni *Pastoris*, aut curam gregis sibi commissi neglexit; sed ita expleuit, vt ab hoc in

Varmien. & Pomesanie Episcopatum transferit.
 Nunquam ignaua aut deles est virtus : nullæ ipsi à
 præclaris actionibus feriæ : nullæ nostro *TILICIO*.
 Statim hic pietatem cultumq; Diuinum auxit : Ca-
 tholicam Religionem multis in locis, à quibus exu-
 labat restituit : vigilantia, doctrinâ, vitæ sanctimo-
 niâ, instar Herculis capita renascentis Hydra, id est
 sensuum qui sunt ab Orco refecuit: disciplinam sta-
 biliuit in Clero : bona sua, & exercendorum mune-
 rum suorum facultatem Ecclesiæ ministris reddidit:
 multorum animos, qui nutabant confirmauit; at si-
 mul quoq; sibi campum aperuit, ad maiorem *Ho-*
noris dignitatē. Scilicet enim ab hac Episcopa Var-
 mien. *Præposituraq; Miecchouien.* quam ob res in
 Liuania à Carolo Sudermaniæ Duce turbatas, in
 subsidium tenuit, in Wladislauiē. & Pomeraniæ,
 ac demum in Cracouiē. non ambitu, non largiti-
 one, sed propriâ virtute translatus est. Et quidem
 quod ad laudem eius magnum, ad honorem splen-
 didum, illustre ad gloriam, eâ omnium alacritate,
 approbatione, gratia, vt ante totius Sarmatiæ præ-
 iudicio, omnium Ordinum votis, omnis populi Po-
 loni propè dixerim suffragiis, Episcop9 Cracouiē.
 & Dux Seueriē. fuerit, quàm Pontificis maximi
 iudicio, Regis prudentissimæ voce declararetur.
 Reuera enim fuit Hercules, siue Atlas, qui fulciuit

Pauli V.
 Sigis. III.

Sar-

Sarmaticum istud Coelum vtriusq; Reipub. Sacrae
 & profanae. Vidimus eum vidimus, vt Numam ali-
 quem, aut Lycurgum Sacris humanisq; rebus, pacis
 belliq; artibus, mixtum ac idoneum: & in duplici
 munere, feliciter ac industriè, omnia sic, vt in vno
 alius, obeuntem. Sanè verò quis nescit, nostrum
 TILICIVM per plures annos in omni Dioecesi sua
 Sacra & Religionem direxisse, defendisse, propagas-
 se: idq; eâ curâ, industriâ, prudentiâ, vt exemplû,
 à nemine accepisse, posteris tradidisse, ab æquis pe-
 ritisq; arbitris iudicetur. Et si arbitrio aut testimo-
 nio quid opus? res ipsa vociferatur, & tota Sarmacia,
 quæ confusa ante, aut tenebrosa, vbi PETRI TILICI
 sibi lumen affulsit, mutata in melius, antiquâ
 pietatem, spondere sibi semper ausa. Etenim Religionem
 Catholicam Romanam *in cuius gremio mori felicius est,*
quàm ab initio nasci; cum non nasci scitius sit,
quàm in hac non mori. fortiter, & constanter
 iuit assertum, ac propagatum aduersus impuros Hæ-
 reseos fædissimæ Gigantes, dum conatibus eorum
 nefarijs, cum vbiq; tum vel maximè in Comitibus a-
 criter obstitit, fœderis initionem disuasit, audaciam
 repressit, ferocitatem inuicti animi robore fregit.
 Amplius: omnia summo studio fecit, quæ ad boni
 & inculpati Pastoris, ac Præsulis officium pertinent.
 Namq; ad præscriptum *Concilij Tridentini*, omnia

Et testamen-
 to Ioan: Za-
 moscii virii
 incompara-
 bilis.

nostrum vitam suâ industriâ, sartam tectam seruare
studuit; & illud quasi in fronte impressum gerens:
SALVTEM POPVLI LEGEM SVPREMAM esse, le-
gum integritatem, & veræ libertatis securitatem,
vitæ suæ anteposuit. Diuinitas profectò quædam
fuit hæc in eo dignitas Senatoria, quam sustinuit
cnn fauore, laude, plausu. Namq; fidus, rerum ho-
minumq; peritus, salutaria suggerit *Pace* siue *Bello*,
cum neq; prauâ ambitione in dicendâ sententiâ
blandiri potuit, neq; *Spe*, aut *Mietu* à recto, & ho-
nesto deterreri; semper inquam salutaria suggerit.

Nam consulta Patrum, nam leges iurâ: seruans
ad mentem Demosthenis, *dum navis Reipub. fuit* Philip. 3.
Tacit. 1
Hist.
salua, promptè consuluit, & provide: serid, & non pro-
peranter: bona enim consilia morâ valescere sciuit.
Meherclè verò fortis apud eum non obnoxia sen-
tentia, quod magnum in Senatore atq; vtile munus,
vt ad mentem Solonis *συμβελῇ μὴ τὰ ὑδιστα, ἀλλὰ τὰ* Consulat nō
suauissima
sed vtiliss
ma.
κάλιστα. Ipse fecit, sed constanter, quia vacillatio, sen-
tentiam mutantium est certum signum incertæ
mentis: nunquam tamen, vt verbo dicam, cursum
eundem tenuit, sed portum, qui est *Salus Publici*
Boni. Prudens Nauclerus non semper eò dirigit
nauem quò cursum instituit, sed quò tempestas cō-
cedit: Noster idem semper spectabat, sed vela con-
filiorum suorum ad flatum temporum compone-
bat.

bat. In hoc verò vel maximè excelluit, quod procul ab eo fuerit rei suæ studium, vtpotè qui censuit, præcipuum veri iudicii venenum, atq; interitum Reipub. *suam cuiq; utilitatem*, Docuerunt Athenæ olim sub triginta Tyrannis afflictæ: Docuit Polonia his sub duodecim Palatinis;

Dum sua quisq; petit, sua quærit.

Paucis dico cum multi certamen plerunq; adulationis certent, adeò vt *Placentini* aut *Laudenses* ferè totum hoc genus, pauci *Veronenses* noster *TILICIVS* inter eos fuit primus, & Princeps in *Quiete*, Quid in *Motu*? etiam hîc Patriæ, boniq; Publici integritas, & Salus, ipsi scopus. Motum vidimus nostra ætate ciuilem: vidimus

1607.

1608.

parentes

Lucan. lib.
6.

*Frontibus aduersis, fraternaq; cominus arma
Cognatasq; acies:*

1612.

1613.

Vidimus postea milites in omne fas nefasq;, audios, aut venales, similes Harpyiarum, non Sacro non profano abstinentes: vidimus homines quosdam maioris animi, quàm consilij, vno veluti filo appendisse *Publicam Salutem*; & omnia sic turbasse, vt pars consilij censeretur, non se miscuisse consiliis, miscuit se noster *TILICIVS* mente, lingua, factis, ac iunxit gregi suo, id est bonis, Regiq; suo; & in subductione, aut quiete aliorum, manum ad cla-

ad clauum porrexit; *sed cum hac lege ut consilia sua,*
Pacis & Togæ socia, non belli atq; armorum essent. O
virum! O ciuem! Post illas tempestates, suo consi-
lio magna ex parte,

———— *disiecit nimbos Solemq; reduxit.*

Felicem res sortita finem, totius belli stamen, ac
subtemen, eius prudentiâ abruptum est, & motus
ciuilis incendium, Salute Patriæ restinctum. Istud
profectò est, istud verè sapientem esse. exercere, &
ostendere in Sole, atq; opere quæ aliis in vmbra &
ocio differuntur: hoc decus est æternum, sese vul-
gi sensibus subductum

Stellis inferere, & consilio Iouis.

Et fecit mehercle noster, cum suâ propemodum
Diuinâ prudentiâ rerumq; usu, tum incredibili elo-
quio. Quod enim Homerus de suo Vlysse ego de
illo Τῆ καὶ ἀπὸ γλωττης μελιτὸς γλυκίων ῥέειν ἀυδῆ. Te-
stes vos appello Senatores optimi, testes & vos E-
quires Poloni qui publicè, & priuatim multis ab-
hinc annis in sermone congressuq; iucundum &
suauem: in grauib; rerum deliberationibus pon-
dere scientiarû imbutam, copiosam, ornatam, pro-
fluentem orationem eius auribus excipientes ab
ore, cum voluptate, atq; admiratione pendebatis.
Testem te Sigismunde Rex Sapientissime, qui sen-
tentiam dicentis summa cum attentione excipie-

Huius ab o-
re melle dul-
cior fluebat
oratio.

D

bas,

bas, & omnia Reipublicæ seria negotia ex consilio
 prudentissimi instituebas. Testem te Summe Sa-
 crorum Antistes. PAVLE V. Pontifex Romane qui
 perspectam habens eximiam TILICI vitæ integri-
 tatem, perpetuum Ecclesiæ purgandæ studium, la-
 bores in extirpandis Hæresibus susceptos, animum
 deniq; nihil nisi de Deo, & vtilitate publica cogi-
 tantem, Apostolicâ & paternâ admonitione eum
 compellabas, etiam nunc in extremo vitæ ipsius
 puncto, vt singulis deliberationibus, & Comitibus a-
 desset, diligenterq; videret, ne quid Respublica de-
 trimenti caperet. Verè illud vsurpem de ipso

Effectus ex
 Ioueramus.
 Gratiarum
 sacra propa-
 go.
 Omnibus
 virtutibus
 excultus.

Πεπλάσμενον ἐκ Διὸς ἔργος.

Et illud Siculi Vatis: Χαρίτων ἱερὸν φύρον

Quid ni? fuit παντοῖς ἀρετῇσι κεκάσμενος; & in quem
 vt Zeuxis in suam Venerem, aut Phydias in Clype-
 um Mineræ natura contulisset, quicquid rari vs-
 quam, & vnquam sortita. Etenim ad has virtutes
 Heroicas, accesserat, & illa Dina, quæ lenit, & ser-
 uatum it, eos ipsos qui se perdunt. Plerumq; laesus
 pulchrum censuit, parcere afflictis,

Et abstinere, tempus atq; iræ dare.

Nullius rei facilius obliuisceretur, quàm iniuria-
 rum: fuit hæc quodam modo propria eius vindi-
 cta, hostes beneficiis suis cumulasse; & si aliquan-
 do, vltionem sibi ex aliquo sumendam esse putauit,

non

non vlteriùs progressum esse, quàm, vt qui offendisset, intelligeret se offendisse. Fortunam magnam, magnus decet animus, cuius proprium est placidum esse, tranquillumq; , & iniurias, atq; offensiones, supernè despicere. At hic simul magnus erat æquitatis amator. ius enim, & æquum, in se inq; aliis, firmiter seruauit, & illud barbarum à barbaro : *In magnâ fortuna id æquius, quod validius*, semper spreuit, solaq; credidit licere sibi laudanda; quia vt sapienter Tragicus vates

Tacit. 15.
Annal.

Minimum decet libère, cui nimium licet.

His succreuit illa, quæ rara Magnis pedissequa Modestia, (cum in altâ fortunâ non abripi licentiæ ventis difficile sit) illi tam familiaris, tamq; amica, vt meritis, virtute, dignitate, supra omnes, suo sensu vel infra se fuerit : quia sciuit quantò quisq; plura adeptus est, tantò magis ipsum esse in lubrico; hinc nihil insolens, vel gloriosum protulit, & sensum de se suisq; temperauit; imò actionem; & sermonem, qui illi grauis, atq; paucus, sed idem prudens; siquidem omnia dixerit, & suscepit circumspectè, id est feliciter : *plerumq; enim omnia summa* Liui lib: 5.
natione gesta, fortuna sequitur. Hinc cultus decens, & sobrius, cum turpe duxerit viro, laudes captare ex corpore, Δουαῖ ἐν θεῶν τιμῇ, καὶ χάρις συμπάρεται
ἀνδρὶ ἀρχεῖ, videtur &
Deo honor
& gratia

comitari-
rum princi-
pem.

modestus fuit, etiam in comitatu, victu, omni suâ vi-
tâ. Splendidus quidem erat in tractandis Publicis,
& magnificus: luxum tamen gentis nostræ, & mol-
litiem vehementer reprehendebat. Sic reuera no-
ster Episcopus modestiam habuit; sed neq; à graui-
tate abiuit. Illâ enim saluâ hanc, & authoritatem
insertam habuit, in vultu, in verbis, in factis; simulq;
comitatem, & humanitatem: illas venerabiles; istas
amabiles, adeò, vt nemo sit, aut fuerit, in quem Sar-
matia nostra, duplici isto affectu magis ferretur, *Ve-
nerationis* pariter, & *Amoris*. In querimoniis audi-
endis, omnibus etiam infimæ conditionis homini-
bus, ad se aditum patere voluit: neq; eos abigi, aut
remoueri passus est: sed ita abire; vt multi ab eo di-
gressi, rem ipsam quasi manibus compressam, tene-
re viderentur. Quid aliæ virtutes quas hîc velut
stellas spargo, & defigo (sit fas ita loqui) in Supremi
Capitis huius coelo? Simile. In omni pudicitia in-
ternâ & externâ clarus: nihil fecit molliter, aut di-
xit: nullum verbum obscænum, nec in cubiculo
quidem penitiori, ex ore eius auditum: diligenter
cauebat, ne se induendo, aut exuendo, quâ minùs
parte deceret, nudaret. Perplacet sanè illud ab ore
veritatis viri Sancti: *Pudicitia est virtus, quæ comi-
tem habet fortitudinem.* verùm enim fuit in nostro
Cinit. Dei. ANTISTITE; quia par vtriq; fortunæ fuit. Flauit,
ac re-

D. August.
lib. 1. de
Cinit. Dei.

ac reflauit ipsi fortuna, & semper
Rebus angustis animosus, atq;
Exitit fortis: sapienter idem
Vela contraxit, nimium secundo
Turgida vento.

Quisquis es, tale adama robur animi, quod si semel imbibisti, altus & erectus contra omnem casum stabis, & vindicabis tibi illud: NON MOVERI. Iam naturâ, ac educatione sobrius, luxuiq; infensus, temulêtiâ vehemêter detestabatur, eamq; in omni statu, sexu, ætate, vitiorum ianuam, aut sentinam compellans, rem exemplis suadebat, rationibus docebat; & ideò nunquam ipse ebrius visus. In diuitiis porro maius quiddam est, quàm imperiti suspicentur, rectum cursum tenere: tenuit ille, quia prudenter ab his, mentem ad altiora natam auocauit. habuit opes, habuit

————— *artemq; fruendi.*

Quid enim eius Magnificentiam memorem, quam Patriæ afflictæ in omni necessitate, aut discrimine, vberimè præstitam videbit Posteritas in ACTIS ÆTERNITATIS? Quid liberalitatem incoetus Religiosorum, in Sapientiæ Studiosos, in Pauperes & egentes loquar? adeò largiter, & perenniter in omnes fluxit (quamuis cum iudicio & modo, nam nimis hauriendo fontem ipsum exhauris) vt Deum

quemdam terrestrem ad benefaciendum generi humano, è coelo missum, veneraremur. Videte rem non verba. E Sueciâ (in quâ comes fuit Sigismundo Regi) inter alias res suas in Poloniam missas, à Succis in mari direptas, Nauclerus surreptis bis mille sexcentis sex florenis, aufugit. cæterum tempestate ferè tres menses, in mari iactatus, tandem appulit Gedanum, sub hoc idem tempus, quo & noster TILICIVS; sed hic in littore sopitus, somnio edoctus est, pecuniam sibi restitutum iri. Res illa certa, & ista rata fuit, fidem etiam ab euentu habuit. euigilat, inquit, reperit, & totum penitus quicquid id pecuniæ fuit, in pauperes, in Xenodochia distribuit. Nec absimilis reliquo vitæ suæ cursu fuit: nullum diem prætermisit, quin pauperibus & Religiosis suæ liberalitatis egentibus, prouiderit; hinc quasi annuum quemdam censum, quotannis, & Monasteriis, & Literarum Studiosis, & Xenodochiis, Eleemosynam erogabat; vitaq; functus, fecit erogari, quod *Fama Posthuma* gratâ memoriâ testabitur. Nec ista in gratiam aut gloriam. Deo soli, & vsibus humanis imputabat: & fructum beneficii vnum censebat, Fecisse. Orarum mirumq; virum! ut stellæ in cœlo lucent, hoc tantum ut luceant: sic ille naturâ, & inclinatione beneficus, sine alia affectatione, aut adspectu, promptissimo, ad
opem

opem ferendam animo fuit, siue quis auxilio, siue consilio indigeret. Vidimus, & nouimus multos ab eo beneficiis auctos, ac cumulosos. Vidimus singularem eius amorem in suos. Incredibile enim est quantum illis bene fecit, bene voluit. Caterum in hos, & omnes domesticos, ac familiares suos, tanta erat facilitate, ac comitate, ut communis videretur omnium parens. Cum eis familiarissime colloquebatur, urbanissime iocabatur, peccantes paternam, potius caritate corripuit, quam herili imperio. Illud verò illud, ut rarum, ita magnum, & pulchrum, id est amorem innatum in *Bonas Musas, & Scientias*, nulla vnquam annorum series delebit; cum per has iuerit ad nomen immortalitatis. Quis illas calidius habuit, & intentius? Quicquid temporis à publicis negotiis vacui dabatur, huc conferebat. Quis doctos, aut exultos literis ardentius amauit? Quis largius, aut prolixius fouit? Quis doctrinae titulum in Polonia sibi inscripsit, & eius Patronum non ascripsit? Proдите vos o *ACADEMICI* mei, nonne vestris disputationibus epulas condiebat, in eisq; audiendis, tempus à curis liberum, studiosissime collocabat? Domum medius fidius suam æternam voluit esse ingeniorum perfugium, Musarum, & Sapientiae sedem, quia & te talem o *ACADEMIA* mea, quæ religionem vnā eamq; veram
ad hoc

ad hoc æui, inter ruinas, aut lapsus aliarum, etiam
inter ciuiles istas procellas, & communem pæne
dicam Europæ furorem inuiolatam, contra omnes
natos ab Orco sensus, aut dissensus in Deum, vel de
Deo, Diuisq; conseruasti,

Et protulisti germine insignes viros,

Auxilia, vel consilia Publicæ Rei

vehementer amabat, incolumitati tuæ, atq; honori
prudentiâ suâ, & vigilantia, tanquam ex altâ specu-
lâ, prouidebat, ne quid imminutionis, aut detri-
menti caperes. Memini anno superiori, eum, dum
1615. ipsius redditum à Comitij læti lubētēsq; excipimus,
cū multa de tuo splendore, & integritate retinen-
dâ dixisset, hæc addidisse. *Ego quæ muneris mei
sunt, diligenter pro vobis excubo ACADEMICI mei;*
neq; quicquam dum viuo, aut spiropatior vestris immu-
nitatibus imminui, aut patiar: sed agitè quoniam con-
tra vos occulta agitantur consilia, aut subuersio, seriò
vigilate. Nota ô ACADEMIA, & perpende verba tui
prudentissimi CANCELLARI: perpendè animitus,
atq; pro te continenter excuba, vt aduersariorum
infringas conatus, & feliciter floreas, quā ille quā
florentissimam semper esse voluit, dum & PVBLICVM
ORATOREM in tuo domicilio annuo, eoq; libera-
li stipendio instituit. Vidit, vidit vir prudentissi-
mus, *Literarum & Sapientiæ inprmiq; Eloquentiæ*
studiis

studiis imperia crescere, & florescere: vidit quæ, & qualis sis, multis abhinc annis, cum hîc olim hausit suauem, atq; vtilem doctrinæ liquorem: vidit internos animi tui sensus, in hac præsertim pertinaci, & candida assiduitate erudiendæ iuuentutis in ornamentum, & vsum Reipub. solâ ferè mercede à conscientîâ; proindeq; dictis & factis, pro aris honore salute tuâ, cum liuore calumniantium, aut occultas molientium insidias, acerrimè depugnauit. Ah vti-
nam plures illi similes; præsertim quos Deus vicem suam fungi voluit in terris! non verear dicere illorum ornamento, Reipub. præsidio, id fore; & felicius administratum quædam iri. Sed ad meum reuenio Episcopum, cuius aureos mores non melius quàm Poëtæ verbis descripserim;

———— *fœcunda quies, virtusq; serena,
Fronte grauis, sæuusq; decor, luxuq; carentes
Deliciæ:*

Addo. imperatorio vultu, patulâ fronte, viuidis oculis, & ore prono in humanitatem, ac misericordiam, nobilis & notus. Totus integer, amans pacis, & concordia, verax, apertus, & sine fūco,

Qualis Apelleis est color in tabulis,
ob suas Diuinas virtutes, quibus vt floridū aliquod pratum, aut Alcinoi hortus variè nitebat. Tota vita ipsius nihil nisi probitas, & rectitudo, adeò in fa-

E

ctis non

et non obliquus, vt nec in verbis. Vno hoc nimius, & immoderatus, quod in se, etiam in hac senili ætate, asper, & durus. non nox curis soluta: nō laboribus dies liber: non mensa aliquā molestiā. Aut Sacris

Aut curam impendit Populis, aut ocia Musis.

Nec; tamen preces consuetas, cultumq; in Deum, & Diuos inter hæc negligebat. Non hñc in frequentissimis eius, laudibus, & precibus Deo fusis, prodignitate explicandis immoror: in quibus non solum diurni temporis magnam partem collocabat, sed etiam nocturnæ quietis. Purissima mens eius contemplatione, veluti pennis in coelum, ita sese attollebat, vt soli Deo inhærens sui pænè obliuisceretur. Nullum diem abire passus est, quin sacrosanctum MISSÆ officium summā cū attentione, & reuerentiā, audiuerit; aut ipse singulis diebus festis fecerit; & sanè ita, vt prius precibus, contemplationi, lacrymis vnā, aut alterā horam tribueret. Munus EPISCOPI aliquod solenne obiturus, pridie se inedia afflixit; immò precibus, votis, lacrymis, vt quod sanctè pieq; instituebat, ritè & feliciter exqueretur *Nomini & cultui Diuino* propagando; *Virtutati & Sanctimonie* augendæ. Accedebat ad feruens precum studium voluntaria vitæ austeritas, vt ieiunium, & abstinentia, interioris vestitus asperitas, le-

tas, lectus in humo nuda, cum singulis diebus mor-
ti REDEMPTORIS nostri dicatis, tum peruigilijs
Diunorum Petri, Pauli, Stanislai, Patronorum; pecu-
liter verò DIVAE Diuarum

Quæ magni genus est Dei;

Cui Deus ipse

Imputat genus, & suam

Inscribit sibi Matrem,

cuius à primâ adolescentiâ âmorem & cultum in-
duerat, eamq; Patronam sibi, & ducem in periculis,
in molestijs, in omni vitæ cursu, felici successu ele-
gerat. His, & antea actis omnibus *Publicis, & Priua-
tis* Diuinis dotibus suis, rapuit omnem *Sarmatiam*,
aut potius *Orbem terrarum*, in affectum, & aspectû
fui; sed etiam neglectu quodam pio, humanorum.
Cum enim ipsi in hac ætate veneranda Senili A R-
CHIEPISCOPATVS Gnesnen. Principatus Sacro-
rum, Primatus Regni deferretur, non acceptavit,
non contemptu aliquo: sed Diuinorum, & cœlesti-
um amore. Aliam ille iam tum dignitatem, alios
honores, in alto & firmo illo loco spectavit, vbi *nul-
la serenum umbra turbabit*. Omnia humana, minuta,
magna, infima, ab omni ævo corruunt, & corruent
in omne æuum,

Summisq; negatum

Stare diu:

E 2

& ideo

& ideò mentem flexerat, ad Magnam illam Mundi
MENTEM, quæ nihil hîc voluit firmû præter ipsam.
Cœlo profectò, & cœlestibus mox fruiturus, cœlum
& cœlestia cogitavit. ab hoc Sarcophago discite,
quem vbi Episcopus Cracouien. esse cœpit, sibi su-
perstruxit; & in eo sui ipsius osculantis pedes CHRIS-
TI IESV, Seruatoris sui, imaginem. Cæterum cum
iam diem sui abitus præsentiret Cracouiam redit,
& hîc expectat quid de se Magnus ille ARBITER
Mundi statuatur. III. Non. Quintil. è morbo, om-
nem Medicorum industriam fallente TILICIO ægrè
esse cœpit. Mensis Anni Iulius erat, qui calore &
æstu commotior morborum periculis, aut mortali-
tatis damnis, solet esse, famosus. Noster licet iam
ab annis vernaculâ quasi valetudine tentaretur; ta-
men ista fallere non potuit suspicacem, & in ipsam
iam mortem propendentem, diu antea ex sapientiâ
animum, qui sciebat: *Non magno apparatu, aut ex-
quisita molitione opus esse, vt corporis atq; animi infir-
mo vinculo cobærens societas dirimatur.* Itaq; tunc
malum in dies ingrauescere: color, calor, vires &
vita, labascere: deniq; leto TILICIVM affigere,
hoc est leto assignare. Morbi statim inualescentis
principio, prima illi cura fuit Sacris, Pœnitentiæ,
Eucharistiæ, Extremæ vnctionis, purgari, muniri,
foueri mysterijs; sed & suis benè in habitu dicere.

*Ego iam à vobis auellor ò filioli mei, aut abeo, & vestris
 precibus cupio iuuari. non quidem omnium vestrum,
 vt volui optatis respondi; sed PROVIDENTIAE id tri-
 buite & fato, cuius lege abeo. Deus ille Parens &
 Dominus omnium nostrum, quod non potui vobis sup-
 plect, ac prosperet. Neq; dubitate, prosperabit, saltem
 illi cum timore & tremore seruite: Religionem au-
 tam, à quâ saluâ omnia bona fluunt; neglectâ con-
 dunt omnia, castè colite: probitatem re exprimate &
 factis: Patriæ & Reipublicæ prospicite. Quid plu-
 ra? valete iam filioli mei, valete, & viuite concor-
 diter in Ecclesiâ Catholicâ vestrum, & Patriæ bo-
 num. Hic iam quam olim cum Augusto in Syriâ
 sibi exoptare consueuerat; liberum etiam in illâ ne-
 cessitate, & intrepidum animum. vtrumq; votis ac-
 cidit. nam aliquot tantùm diebus summum hoc egit
 MORI. cum adiumenta sic vitæ prius omnia, vt
 olim blandimenta spreuisset. Animi firmitudinem
 non ab humanis, aut mundanis, quorum neq; vllum
 omnino verbum fecerit, aut voluerit audire; sed à
 Diuinis perficiebat. illud toties ad verba viri incō-
 parabilis Reueren. Sebastiani Nucerini Canonici
 Scarbimirien. magno spiritu subiiciens: Dñe IESV,
 qui auges dolorem, auge patientiam Christianam. cu-
 ius & imaginem CRUCIFIXI sæpius diffuauitatus
 CHRISTE inquit, IESV PATER mi, ne tantus tuus*

*labor sit cassus, Sanguis ille tuus preciosus in Passione
abundè effusus, in me deriuetur; & adsit mihi cum om-
ni æternitate decertanti in hac hora, à quâ æterna sa-
lus animæ meæ dependet. Deniq; vno in pietatis adu-
piorum precibus incessabiliter expetitis ipse eti-
am (ægrè licet) ad pias supplicationes, iam fugien-
tes vitæ vires, reuocare; etsi quispiam religiosè Psal-
mos Dauidicos recitasset, renidere ille, & in altum
oculis manibusq; moribundus sublatis cum eo per-
gere, aut ipse piè precari, & perficere. Illa ipsa su-
prema sibi nocte tantâ fuit animi corporisq; tran-
quillitate, vt TILICIO patiente, alium ibi non lo-
quentem, non querentem, non suspirantem torque-
ri crederemus, aut ipsum vitæ restitui. Sed enim
immutabilem Prouidentie legem non fas mutari.
sub exortum Solis, Idib. Quintil. Diuæ Margaretæ
Virgini, & Maryri dicatis, Sol noster, & Margareta
Regni, acceptis omnibus GRATIIS, & Indulgētiis,
Sanctum, & Salutare NOMEN IESU voce non am-
plius reuocāda inuocans, & Spiritum DEO suo cō-
mendans feliciter è vitâ excessit.*

*Ah nobis infeliciter excessit Maximus Opti-
musq; virorum.*

*O dolor, ô lacrymæ adeste. voluptas, & lætitia a-
beste. qui vidistis, qui audistis, qui amastis, PETRVM
TILICIVM; & quibus ille bene, fecit bene voluit.*

Ferite

Ferite palmis pectori, & planctus date.

Occidit PETRVS TILICIVS Antistes, & Mystes diuinus. Dole Religio: luge Sarmatia: omnis Ordo Sexus, Ætas plāgite: mœre ACADEMIA: flete TILICII. Occidit Episcopus diligens, Senator prudēs, Religionis propugnator, exemplar pietatis, praesidium pauperum, bonorū columna, Meccœnas eruditum, & quem, aut propter studium in Rempub. PATREM PATRIAE, sicut apud Romanos olim Fabios vel Camillos: aut propter mansuetudinem, & humanitatem DELICIAS GENERIS HVMANI, sicut inter Imperatores Titū Vespasianum, vel Traianum: aut propter consilium MENTEM PATRIAE, sicut apud Troianos Æneam possis cognominare. Occidit HEROS Magnus quem virtus nascentem excepit, doctrina natum excoluit, modestia supra æquales extulit: in cuius amore omnes boni inuidiā frustra inuidente, conspirarunt: quem merita ad omnes dignitatis, & honoris gradus quos fas fuit mereri per genus suæ vitæ, aut mentem volentis, euexerunt. Sol ille Sarmatiæ olim in ortu Solis exortus, nunc in ortu Solis occidit. Eheu iacet ille qui tē o Polonia iacentem semper erigebat. dum

in omni tempore

In munere omni Nequiores se praebeant

Lingua atque mente.

Iacet

lacet ex animis, qui tibi casu aliquo exanimatæ animi addere solebat. O Fata in hoc tali casu fanda, & ploranda! Sacrorum Princeps, Ecclesiæ: Senator, Reipub. occidit, qui domi forisque probavit suum ingenium, iudicium, eruditionem, candorem, liberalitatem, animi magnitudinem, prudentiam, sapientiam; in omnibus ut paucis dicam, TILICIVM, id est omnis perfectionis apicem, hominis Phœnicem, Rei literariæ Principem, virtutis Dictatorem. Sed quid ago? dum elogium orno, dolorem exulcero. laudibus lacrymæ ciente semel repressæ. Aliò verba flecto; & huc potissimum, ut ferio eum vivere discamus, quem lugemus? Absit ergo dolor. Etenim

*Sifas viuendo Cœlestia scandere, cuiquam est,
Huic soli cœli maxima porta patet.*

D. Paulus
ad Tit. 1.
1. Tim:
c. 8.

Pietate namq; in Deū, amore in patriam, beneficentia in omnes, & illis quas Doctor noster in suo Antistite requirit, virtutibus, prudentiâ, doctrinâ, morum integritate, innocentia, fide, fideiq; propagandæ feruente studio, mansuetudine, iustitiâ, sanctitate, pudicitia, aliisq;, omnibus excellentibus, omnibus eximiis,

Innixus arces attigit igneas;

& abiectâ hac mortalitatis sarcinâ ad originem sui reuersus, viuit. viuit, & supra omnem Inuidiæ nubem

beni positus famâ fruitur, quam meruit, felicitate
quam quæsiuit. Non cum sumit quis animam, in-
cipit viuere, sed cum ponit, aut potius reponit. nam
quem nos vltimum vitæ diem vocamus, nouæ &
duraturæ natalis est; ideoq; sapiētissimo ritu Thra-
ces olim hominum dies *Natales* luctu, & eiulatu:
exequias gaudio, & alacritate profecuti. Immorta-
les animæ liberum, & sine labe diem habēt in quie-
te, & illo puro Sereno, cum sine labe emigrârunt.
Habet noster TILICIVS. nam vitæ suæ iter rectè
iniuit, rectè peregit, & ex hac ad meliorem in Ca-
tholicæ religionis pio sensu, pio ritu, piè vt par est,
Sacramentis munitus placide abiit.

Absint inani funere nenie

Luitusq; turpes, & querimonie.

Noster TILICIVS, non lugere, lætari nos iubet;
tametsi à leto: quia verè lætari, à leto ipse cœpit,
vti confidimus, & vouemus. Quare non lacrymas,
sed flores spargite, & tumultum TILICII hortulum
facite. cubent frigida ossa inter odorum suauitates.

Deniq; dicite. Vale, vale, vale PETRE TILI-
CI, qui nobis præiuisi, nos cum fatalis
noster dies venerit, læti
sequemur.

FECI & PLANXII

F

BIBLIOTHECA
VNI^{VERSITATIS} CRACOVIE^{NSIS}

Adhuc inani furore natus

[illegible]

et, qui nobis premissi, nos cum suis

